

Rasvjetljeno krivično djelo razbojništva

Dana 13.03.2019.godine u 19,15 sati, obaviještena je VII PU da je u ulici Igmanska, općina Vogošća, od strane NN lica, izvršeno krivično djelo razbojništva nad radnicima na benzinskoj pumpi "Hifa Petrol". Tom prilikom NN lice je uz prijetnju vatrenim oružjem-pištoljem, otuđilo određenu sumu novca, a zatim se motornim vozilom marke "Rover", reg. oznaka K21-E-073, u kojem ga je čekalo drugo NN lice, udaljila u nepoznatom pravcu. Odmah po zaprimljenoj prijavi, policijski službenici su na području općine Centar uočili navedeno vozilo, krenuli u potragu za istim, a nakon toga vozilo sustigli u ulici Ljubljanska, općina Novo Sarajevo. Naime, policijski službenici su blokirali put, a vozač vozila "Rover", pokušao da prođe pored službenog vozila u čemu nije uspio, kojom prilikom je ostvario kontakt sa službenim vozilom marke "Suzuki" Vitara, oštetivši isto, nakon čega su NN lica spriječena u daljem bjekstvu. U pomenutom vozilu su zatečena lica B.S., rođen 1997.godine u Sarajevu i N.H., rođen 1995.godine u Sarajevu, gdje su i nastanjeni. Zbog postojanja osnova sumnje da su počinili krivično djelo iz člana 289. KZ F BiH (Razbojništvo), pomenutog dana u 19,35 sati, isti su lišeni slobode i predati u prostorije Jedinice za osiguranje objekata i zadržavanje osoba lišenih slobode MUP-a Kantona Sarajevo. O prednjem je obaviješten tužilac Kantonalnog tužilaštva Kantona Sarajevo. Uviđaj je izvršen od strane policijskih službenika Uprave policije MUP-a Kantona Sarajevo u ulici Igmanska, a kasnije nastavljen u ulici Ljubljanska. Izvršenim provjerama utvrđeno je da se na vozilu "Rover" nalaze nepripadajuće registarske tablice (K21-E-073). U toku kriminalističke obrade, pronađen je novac, pištolj i drugi predmeti korišteni prilikom izvršenja pomenutog krivičnog djela. Policijski službenici nastavljaju rad na dokumentovanju navedenog krivičnog djela.

14.03.2019



(https://mup.ks.gov.ba/sites/mup.ks.gov.ba/files/images/policija_-_ilustracija.jpg)

© Ministarstvo unutrašnjih poslova KS 2011., 2015. Sva prava pridržana. Izrada. Zavod za informatiku i statistiku KS
(<https://zis.ks.gov.ba>)

Početna (<http://mup.ks.gov.ba/pocetna>) | RSS izdvojeno ([/rss/izdvojeno](http://mup.ks.gov.ba/rss/izdvojeno)) | RSS konkursi ([/rss/konkursi](http://mup.ks.gov.ba/rss/konkursi)) | RSS javni pozivi ([/rss/pozivi](http://mup.ks.gov.ba/rss/pozivi)) | Struktura stranice (<http://mup.ks.gov.ba/sitemap>) | Kontakti (<http://mup.ks.gov.ba/gradjanstvo/kontakti>) | E-pošta (<http://mmail.ks.gov.ba>)

